



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 6. Papiensis Cardinalis obitus

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

Sæcul XV.
A.G. 1477

dos suos errores hortarentur; Ille primum tergiversabatur, demum biduo post respondebat, se ad revocationem opinionis suæ paratum esse. Ergo Joannes coram Archiepiscopo, nonnullis Præfatis, ac plurimis Doctoribus compareret, iisque præsentibus Inquisitoris jussu, quæ temerarie sparserat, retractavit: Examinatores vero, cum Joannis causam immoderato animi impetu agitare dicebantur, criminationes eorum effugerent, haud poterant, qui contendebant, quod cum majori lenitate ac clementia retractari debuisset, præcipue cum assertionibus Joanni adscriptis nonnulla sana interpretatione temperatæ propugnari possent.

§. VI.

Papiensis Cardinalis obitus.

Aubery hist. Card. *Paul. Jov. in elog. 6. 20.* *Leonard. Aretin. de script. Ital.* Hoc anno Jacobus Papiensis Cardinalis sub nomine Ammanati, & Piccolominæi notus e vita migravit. Natus erat Lucæ ex familia non adeo nobilior autem evasit ob ingenii excellentiam, ac insignes in literis progressus Romam delatus primum Cardinali Campanicæ, postea Calisto III. ac demum Pio II. ab epistolis fuit; Idem Pontifex, cum in omnes literatos summe beneficus esset, Jacobum singulari benevolentia

tia profecutus est, eumque Piccolominææ Sæcul. XV.
familix, unde ipse Pius ortum traxerat, A C. 1479.

per adoptionem accensuit, atque ad Pa-
piensem sedem evexit, tandemque Anno
millesimo quadringentesimo sexagesimo
primo Purpuratorum collegio adscripsit.
Pio II. Pontificatum gerente gravibus
præficietur negotiis, necnon sub Sixto
IV. celebri legatione in Umbria functus ab
eodem Tusculanæ Ecclesiæ ac Lucensis
dignitate augebatur. Edidit varios in-
genii sui partus, ex quibus ad poste-
ros transmissum est volumen epistolarum,
necnon historia sui temporis, seu com-
mentariorum libri septem, quibus omnia
per Europam gesta a Pii II. profectioe
Anconitana usque ad mortem Cardina-
lis Carvajali, id est ab Anno millesimo
quadringentesimo sexagesimo quarto us-
que ad Annum sexagesimum nonum
calamo suo emensus est. Hic Vir omni *Paul. Jov.*
laude dignissimus, cum quartanæ febris *l. cit.*
morbo aliquantulum laborasset, imperi-
tissimi cujusdam Medici ex quodam pa-
go acciti consilio usus, adeo violentum
sumpsit medicamen, ut eo hausto paulo-
post e vivis excesserit in oppido Lauren-
to prope lacum Volsinensem die decima
Septembris, postquam annos quinquaginta septem, sex Menses, duosque dies
expleverat. Corpus ejus ex Pontificis
& Cardinalium decreto Romam dela-
tum

Sæcul. XV.
A. C. 1479.

tum in æde Fratrum Eremitarum S. Augustini sepulchro conditum est, quamvis ipse testamento, quod ad calcem suarum epistolarum legitur, cavisset, ut in Ecclesia Sancti Petri penes Pium II. Benefactorum suum reponeretur; ast supremæ ejus voluntas emergentibus aliis causis immutata est. Hujus Cardinalis vitam Jacobus Volaterranus, quem a secretis habuit, succincto admodum calamo descripsit, (*) testaturque, Papiensem præter suos commentarios atque epistolas scripsisse summorum Pontificum vitam quæ tamen nunquam in publicam lucem prodierunt. Ex ejus epistolis tamen conjicimus, Cardinalem in animo habuisse, amplam omnium suo ævo gestorum historiam concinnare. Ceterum suos Commentarios typis impressos Cardinali de Ambacia nuncupabat.

§. VII.

Turcæ ab Hungaris cæsi.

Vehementiam doloris, quo summus Pontifex Cardinalis Papiensis mortem planxit, felix faustusque nuncius militabat: quippe sub idem ferme tempus Papa literas accepit, quibus Turcæ

(*) *Exstat ante opera Cardinalis Papiensis.*